

四部叢刊

溫學文正公集卷八

138

四部叢刊初編集部

溫國文正司馬
公文集 一

卷一至卷三十五

溫國文正司馬公文集序

孔門以顏回爲德行之首於其問仁則曰
天下歸仁焉於其問爲邦則告以虞夏商
周之政何哉以其德行舉而錯之事業則
所謂言語政事文學皆其所優爲者孔子
所以稱其賢則其心固以王佐許之矣若
餘子未免夫貨殖者晝寢者無所取材者
難與並爲仁者惡可與顏氏子同年語哉

孔子曰文莫吾猶人也躬行君子則吾未
之有得蓋言難其人也

大丞相溫國文正司馬公出於去聖數千
歲之後其公忠直亮根于性質之自然非
勉而中思而得者見於脩身踐言則孝弟
忠信雖蠻貊而可行在屋漏而不愧至其
施諸政事則關百聖而不慙蔽天地而不
耻其發爲文章則探陰陽造化之蹟以豐

其源躬仁義禮樂之實以沃其膏酌聖賢
出處之正以厲其操通古今因革之變以
博其施非徒載之空言也是文也君天下
者得之足以鑒興衰通治體公卿大夫得
之足以勸忠嘉盡臣節士庶人得之足以
檢身厲行爲君子之歸以至山顛水涯幽
人放客得之則浩歌流詠斟酌厭飫隨取
隨足夫丹青可渝而公之文不可朽也金

石可磨而公之文不可磷也山可摧澤可涸而公之文愈久愈新垂世而亡窮也公又嘗著資治通鑑備論前世君臣善否之蹟與其理亂興亡之證別爲一書公非有意於立文者然將以鼓吹六經羽翼名教則肆筆爲言不約而成章古語曰木有文而水有波雖欲更之無柰之何韓愈曰仁義之人其言藹如也昔顏淵死孔子曰噫

天喪予憫王道之無傳也公立朝大節輔
相勲庸凜凜在人耳目公雖去亡斯文未
喪學者傳誦非獨得其言得其書而已文
集凡八十卷爲二十八門其間詩賦章奏
制詔表啓雜文書傳無所不備實得於
叅知政事汝南謝公謝公語嵇曰艱虞以
來文籍散亡子曾大父雜端公熙寧二年
坐詆時政及再繳

詔敕還中書謫守九江一斥不復司馬公
時營救甚力章疏具載

國史天下所共知之且趣嶠叙其首鏤行
於世嶠雖淺陋未學然服膺此書舊矣矧
復世篤忠義之契願何敢以不敏辭紹興
二年歲在壬子九月旦左朝請郎直徽猷
閣權發遣福建路提點刑獄公事吳興
劉嶠謹序

進司馬溫公文集表

臣嵎言准尚書省劄子備奉十月二十九日
聖旨因祕書省有請以臣近刊司馬光文
集許令投

進者斷編參訂深虞三豕之傳疑

睿旨日聿頒忽覩

六丁之下取前賢增重晚學與榮臣嵎誠
惶誠懼頓首頓首竊以先正若司馬光大

用於

元祐際奮身許

國揭萬代之規模張膽極言切一時之利病
資治體則已詳於通鑑舉事要則咸備於
曆書至其翰墨之餘猶盡天人之奧言言霜
日之可畏炳炳丹青之不渝縈

仁廟之末年建明是賴暨

英皇之當宁獻替居多維

裕陵眷注之最深而權臣詆排之尤力與其
位高而言廢曷若身退而道尊逮

宣仁復辟之初屬時相蔽賢之日揚雄歿而
是非乃定九齡罷而治亂遂分茲遇

公朝載加贈典

爰討論乎舊政

且搜訪其遺文國論交欣儒林動色恭惟
皇帝陛下緝熙典學

續紹丕基

景運中興

方遵養於時晦

聖謨博採

常講論於夜分
臣得善本於近臣之家冠

燕詞於成書之首
寫諸琬琰羽翼魯堂之

六經信若著龜
批糠唐室之三鑑

覽獲塵於

間燕榮實貢於幽原緬懷間世之鉅公曾
是先臣之知己叩閤而救張說豈獨見於空
辭掠麻而沮延齡尚想聞於正色匪徒勲
業煥在簡編期有補於將來庶永垂於
不朽斯文未泯僅存石室之藏舊德益
彰重

上茂陵之藁所有司馬光文集八十卷計
十有七冊謹隨表上

進以

聞臣鳴誠惶誠懼頓首頓首謹言

紹興壬子月日

洪武丁巳八月收



溫國文正司馬公文集目錄

第一卷

古賦

進交趾獻奇獸賦表

交趾獻奇獸賦

稷下賦

靈物賦

第二卷

古詩

春獵

八月十五日夜寄友人

戲下歌

烏栖曲二首

海仙歌

宮漏詩

華州祗役往馮翊留別楚正叔建中

孟嘗君歌

緱山引

洛陽少年行

將軍行

何秀才

漢倫郊園五首

夏日過陳秀才園林

陪同年吳冲卿登宿州北樓望梁楚之郊訪

古作是詩充

燕歌臺

楚宮行

塞上

六言

柳枝詞十三首

奉和經略龐龍圖延州南城八詠

迎薰亭

供兵礮

柳湖

飛蓋園

翠猗亭

延利渠

綠雲軒